



UNIVERSITÄTS-
BIBLIOTHEK
PADERBORN

**Cursus Biennalis Studii Canonici, Sive Succincta Et
Methodica Sacrorum Canonum Explanatio**

Engelhard, Johann Martin

Moguntiae, 1700

Titulus XXXIX. De Syndico.

[urn:nbn:de:hbz:466:1-63255](https://nbn-resolving.org/urn:nbn:de:hbz:466:1-63255)

Nec pupillo vel minori, sine auctoritate tutoris vel curatoris. *l. 1. Cod. dict. tit.* 2. Continere debet nomen procuratoris. *l. 65. ff. de procurat.* ut iudex cognoscere possit, an constitutus procuratoris officio fungere possit, quod non licet excommunicato, nec minori. *cap. 7. de probat. cap. 7. de iudiciis.* 3. Exprimi debet nomen partis adversæ, contra quam procurator constituitur. *l. 6. ff. de procurat.* 4. Exprimenda est causa, ob quam in iudicio vel motam vel movendam mandatum conceditur. *dict. l. 65. ff. de procurat.* 5. Inferendum est nomen iudicis, coram quo lis ventilanda erit. *cap. 10. de procurat.* 6. Requiritur expressio diei & anni. *cap. fin. de procurat.* 7. Necessaria est insertio clausulæ, quod constituens ratum habeat, quidquid procurator egerit. *dict. l. 6.*

TITULUS XXXIX.

De Syndico.

QUÆRES I. Quid sit Syndicus? Respon-
Est procurator publicus, qui communi universitatis mandato, causas & lites ejusdem administrat. *l. 1. §. tot. tit. ff. quod cujusque universitatis.* qui quidem similis est procuratori, in hoc quod negotia aliena administrat, & non nisi causâ cognitâ mutari aut removeri possit. *l. 6. §. fin. ff. b. t.* differt autem in eo, quod procurator hominum privatorum, Syndicus autem omnium de collegio collegarum sumptorum causas communes & publicas prolequa-

lequatur, *Zoesius n. 3 ff. h. t. d. l. 1* Differt ab actore, quod is ad unam aliquam causam vel plures nominatim expressas, Syndicus vero ad omnes generaliter constituatur, licet quando de Syndico pro actore & è diverso actor pro Syndico sumatur. differt ab administratore, quod hic in administratione pecuniæ & aliorum negotiorum, Syndicus vero in litibus prosequendis velletur. Differt ab œconomo, quod is propriè sit dispensator ecclesiæ cui rerum ecclesiæ administratio committitur.

QUÆRES 2. Qui nam jus habeant Syndicum constituend. ? *Resp.* Solæ universitates & collegia *l. 1 ff. quod cuiusque universit. nom.* ius tamen constitutio libera non est, sed necessaria: cum enim collegium ipsum nec convenire, nec conveniri in iudicio possit. *l. sicut §. 1. ff. dicit. tit.* necessariò debet constituere syndicum, qui ejus causas in iudicio prosequatur. Liberum tamen est, vel unum ex collegio, si idoneus in eo reperiatur, vel extraneum munerì huic præficere, quamvis consultius ut monasteriorum syndicus personis extraneis, constituto ipsis certo salario, committantur, ne religiosi à divinis officiis abstracti, sæcularibus negotiis, & forensi caularum strepitu involvantur. *cap. un. h. t.*

TITULUS XL.

De

His quæ vi metusve causâ fiunt.

QUÆRES 1. Quid sit vis & quotuplex ?
Resp. Vis sive violentia definitur, majoris rei impetus, qui repelli non potest. *l. 2. ff. quod*

L 5

metus